

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINA TRAVNIK
NAČELNIK**

Broj:01- 1707 /15 -2
Datum:03.12.2015.godine

Na osnovu člana 8. Zakona o ministarskim, vladinim i drugim imenovanjima (« Službene novine Federacije Bosne i Hercegovine» broj 12/03), i člana 24. Zakona o javno privatnom partnerstvu SBK/KSB („Službene novine SBK/KSB“ broj 13/13), načelnik Općine Travnik, u postuku imenovanja na pozicije u Komisiju za javno-privatno partnerstvo SBK/KSB, **o b j a v l j u j e**

**JAVNI OGLAS
za izbor i imenovanje Komisije za javno - privatno partnerstvo SBK/KSB**

I- Opće odredbe

Objavljuje se javni oglas za izbor i imenovanje Komisije za javno-privatno partnerstvo SBK/KSB i to:

II-Broj članova i struktura

- Komisija za javno-privatno partnerstvo 2 pozicije

III – Nadležnosti

Nadležnosti Komisije za javno-privatno partnerstvo SBK/KSB su propisane u članu 25. Zakona o javno-privatnom partnerstvu SBK/KSB

Predsjednik i članovi Komisije imenuju se na period od 4 (četiri) godine uz mogućnost reizbora.

Imenovane osobe imaju pravo na naknadu u skladu sa članom 26. . Zakona o javno privatnom partnerstvu SBK/KSB („Službene novine SBK/KSB“ broj 13/13).

III – Uslovi za izbor i imenovanje

Svi kandidati za pozicije u Komisiji koji su predmet ovog javnog oglasa moraju ispunjavati slijedeće:

- a) opće i
- b) posebne uslove

a) Opći uslovi;

- da su državljani BiH
- da su stariji od 18 godina
- da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije,
- da se na njih ne odnosi član IX.1. Ustava BiH,
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u F BiH (« Službene novine F BiH», broj 12/03),
- da nisu na poziciji u zakonodavnoj, izvršnoj ili sudskoj vlasti u smislu Zakona o sukobu interesa («Službeni glasnik BiH», broj 16/02),

- da im nije pravosnažnom presudom nadležnog suda izrečena zabrana obavljanje aktivnosti koje su u nadležnosti Komisije,
- da nisu stariji od 65 godina na dan imenovanja

b) Posebni uslovi;

- kandidat za člana Komisije mora da ima najmanje VSS-Visoku stručnu spremu (najmanje 240 ECTS-a bodova) i to; Mašinski fakultet, Arhitektonski fakultet, Elektro-tehnički fakultet, Građevinski fakultet, Saobraćajni fakultet, Šumarski fakultet, Rudarsko-geološko-građevinski fakultet, Ekonomski fakultet ili Pravni fakultet, odnosno visoko obrazovanje drugog ciklusa bolonjskog sistema studiranja (300 ECTS bodova) – Mašinske struke, Arhitektonske struke, Građevinske struke, Elektro-tehničke struke, Saobraćajne struke, Šumarske struke, Rudarsko-geološko-građevinske struke, Ekonomske struke ili Pravne struke.
- Kandidati za člana Komisije moraju da imaju najmanje 5 godina radnog staža u struci,
- da posjeduju sposobnost nepristrasnog donošenja odluka, komunikacijske i organizacione sposobnosti,
- da posjeduje pozitivne rezultate rada ostvarene tokom poslovne karijere,
- preporuke ranijih neposrednih rukovodilaca (po mogućnosti).

IV - Potrebni dokumenti

Uz prijavu na javni oglas kandidati su dužni priložiti sljedeću dokumentaciju (**originali ili ovjerena kopija**):

- kraću biografiju, adresu i kontakt telefon,
- uvjerenje o državljanstvu,
- izvod iz matične knjige rođenih,
- uvjerenje o nevođenju krivičnog postupka od nadležnog kantonalnog suda ne starije od 3 mjeseca,
- diplomu o školskoj spreml, i
- uvjerenje o radnom stažu u struci,
- uvjerenje od poslodavca da nije otpušten iz službe kao rezultat disciplinske mjere u periodu od 2 godine prije objavljivanja oglasa.
- Izjave ovjerene u općini ili kod notara da se na kandidata ne odnosi član IX.1. Ustava BiH i da nisu na poziciji u zakonodavnoj, izvršnoj ili sudskoj vlasti u smislu Zakona o sukobu interesa («Službeni glasnik BiH», broj 16/02),

Svi kandidati koji budu ispunjavali opće i posebne uslove, odnosno budu stavljeni na listu sa užim izborom bit će pozvani na intervju.

Prije intervjua Komisija može tražiti od neposrednih ranijih rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i veći stepen stručne spreml i srodno g zanimanja.

Nakon intervjua Komisija za izbor će predložiti rang listu sa najboljim kandidatima i dostaviti Općinskom vijeću Travnik na dalje razmatranje.

Bilo koji kandidat ili član javnosti, može podnijeti prigovor na imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u F BiH.

Prigovor na imenovanja se podnosi Općinskom vijeću Travnik.

Javni oglas ostaje otvoren 15 dana od dana objavljivanja u «Službenim novinama Federacije BiH», web stranici Općine Travnik i Oglasnoj tabli općine Travnik.

Rok za podnošenje prijava računa se prema datumu objave oglasa u glasilu koje zadnje objavi oglas.

Prijave sa svim traženim dokumentima dostaviti lično ili poštom na adresu: Općina Travnik, Konatur bb, 72270 Travnik sa naznakom «prijava na Javni oglas za izbor i imenovanje članova Komisije za javno-privatno partnerstvo SBK/KSB» - NE OTVARAJ.

Neblagovremene i nepotpune prijave neće se uzeti u razmatranje.



NAČELNIK

Admir Hadžiemrić, dipl.ecc